



BANJA LUKA LEGAL SCHOOL

BANJALUČKA PRAVNA ŠKOLA

UPUTSTVO ZA PISANJE RADOVA:

Radovi moraju biti dostavljeni na B/H/S jeziku ili engleskom jeziku, fontom Times New Roman, veličine 12, a fusnote/bilješke, kao i oznake za iste koje se nalaze u tekstu, veličine 10.

Naslov rada se ispisuje velikim slovima na sredini prve strane, (font 14). Naslov treba da bude što kraći i da što jasnije objasni suštinu sadržaja tog rada.

Ime i prezime autora i ustanova iz koje dolazi ispisuju se odmah ispod naslova na sredini papira (font 12). U prvoj fusnoti navodi se njegovi podaci za kontakt, telefon, mail adresa, ORCID i drugo.

Sažetak sa kratkim okvirnim pregledom o sadržaju rada (između 250 i 300 riječi) ispisuje se italikom (font 12) odmah ispod imena autora. Slijede ključne riječi (do pet riječi).

Međunaslovi u tekstu ne smiju biti duži od jednog reda. Pišu se na sredini reda velikim slovima veličine 12 i numerišu se arapskim brojevima. Ako u okviru jednog međunaslova ima više cjelina, te cjeline moraju imati kratke naslove koji se ispisuju na sredini reda malim slovima i označavaju brojem međunaslova i oznakom te cjeline. Na primjer: 1.1. ili 1.a, itd.

Poslije zaključka, koji se piše na kraju rada, se navodi spisak korišćene literature. Citirana literatura treba da, između ostalog, bude iz vrhunskih međunarodnih i domaćih naučnih časopisa, najnovijih godišta, i da u radu preovlađuje časopisna literatura.

Na kraju članka na engleskom jeziku ispisuje se naslov članka, ime i prezime autora i njegova institucija, sažetak i ključne riječi. Uz ime autora ide fusnota sa njegovim podacima na engleskom, kao na početku rada.

Sve stranice u cijelom radu moraju da budu numerisane.

Redakcija zadržava pravo da prilagođava rad opštim pravilima uređivanja časopisa, grafičkim standardima i standardu B/H/S jezika.

PRAVILA CITIRANJA

1. Kada se citira tekst iz knjige jednog autora, potrebno je pridržavati se sljedećih pravila: ime i prezime autora (zarež) naslov knjige napisan u italiku, u maloj zagradi navodi se mjesto izdanja (dvotačka) izdavača i godinu izdanja, i na kraju broj strane sa koje se citira tekst.

Primjer:

Mustafa Imamović, *Historija države i prava Bosne i Hercegovine* (Sarajevo: Magistrat, 2003), 96.

Kada se prvi put citira tekst jednog autora piše se puni oblik, a u svakom sljedećem slučaju navođenja tog istog autora piše se skraćeni oblik:

Imamović, *Historija države i prava Bosne i Hercegovine*, 102.

Primjer u navođenju literature:

Imamović, Mustafa. *Historija države i prava Bosne i Hercegovine*. Sarajevo: Magistrat, 2003.

Ukoliko se citira podatak s iste strane iz istog djela kao u prethodnoj fusnoti, koristi se latinična skraćenica za ibidem u kurzivu, s tačkom na kraju (bez navođenja prezimena i imena autora).

Primjer: *Ibid.*

Ukoliko se citira podatak iz istog djela kao u prethodnoj fusnoti, ali s različite strane, koristi se latinična skraćenica *ibid*, navodi se odgovarajuća strana i stavlja tačka na kraju.

Primjer: *Ibid.*, 69.

2. Tekst dva ili tri autora jedne knjige se citira na način da u se fusnoti navode imena i prezimena autora, razdvajajući ih zapetom i veznikom „i“ kod navođenja posljednjeg autora.

Primjer:

Dragan Lakićević, Božo Stojanović i Ilija Vujačić, *Teoretičari liberalizma* (Beograd: Službeni glasnik, 2007), 45.

U skraćenom obliku se navode samo prezimena autora.

Skraćeni oblik:

Lakićević, Stojanović i Vujačić, *Teoretičari liberalizma*, 35.

Kod navođenja literature samo kod prvog autora se navodi prvo prezime pa ime odvojeno zapetom, a onda ostali autori kako je objašnjeno.

Primjer:

Lakićević, Dragan, Stojanović, Božo i Vujačić, Ilija. *Teoretičari liberalizma*. Beograd: Službeni glasnik, 2007.

3. Tekst sa četiri ili više autora se citira na način da se navodi ime i prezime prvog autora koristeći skraćenicu na kraju „i dr.“ („et al.“ na engleskom jeziku) uz već napisano pravilo.

Primjer:

Vladimir Vodinelić i dr., *Pravo medija s modelom Zakona o javnom informisanju* (Beograd: Beogradski centar za ljudska prava, 1998), 124.

U skraćenom obliku se navodi samo prezime prvog autora i skraćénica „i dr.“ (et al.).

Skraćeni oblik:

Vodinelić i dr., *Pravo medija s modelom Zakona o javnom informisanju*, 32.ž

Kod navođenja literature navode se imena svih autora, a samo kod prvog autora se navodi prvo prezime pa ime odvojeno zapetom, a onda ostali autori kako je objašnjeno.

Primjer:

Vodinelić, Vladimir, Đerić, Vladimir, Gajin, Saša, Stojković, Dušan i Živković, Miloš. *Pravo medija s modelom Zakona o javnom informisanju*. Beograd: Beogradski centar za ljudska prava, 1998.

4. Ako se citira tekst knjige koja ima više izdanja, uz već objašnjena pravila i primjere, poslije naslova se piše broj izdanja.

Primjer:

Jasminka Hasanbegović, *Perelmanova pravna logika kao nova retorika, drugo izdanje* (Beograd: Dosije, 2006), 35.

Skraćeni oblik:

Hasanbegović, *Perelmanova pravna logika kao nova retorika, drugo izdanje*, 35.

Primjer u navođenju literature.

Hasanbegović, Jasminka. *Perelmanova pravna logika kao nova retorika, drugo izdanje*. Beograd: Dosije, 2006.

5. Ako je knjiga zbornik radova, kao autor se navodi priređivač tog djela i uz njegovo ime i prezime dodaje se riječ ured. ili prir.

Primjer:

Svetislav Taboroši, prir. *Razvoj pravnog sistema Srbije i harmonizacija sa pravom EU, prilozi projektu 2007* (Beograd: Dosije, 2007), 35.

Skraćeni oblik:

Taboroši, prir. *Razvoj pravnog sistema Srbije i harmonizacija sa pravom EU, prilozi projektu*, 35.

Primjer u navođenju literature:

Taboroši, Svetislav, prir. *Razvoj pravnog sistema Srbije i harmonizacija sa pravom EU, prilozi projektu 2007*. Beograd: Dosije, 2007.

6. Članci objavljeni u naučnim časopisima citiraju se navodeći: ime i prezime autora (zarez) pod navodnicima naslov članka (zarez) naslov časopisa (italik), godina izlaženja, broj, sveska (godina): strana.

Primjer:

Branka Babović, „Pravo na suđenje u razumnom roku i parnični postupak“, *Pravo i privreda, Časopis za pravnoprivrednu teoriju i praksu*, XLX, 7-9 (2013): 35.

Skraćeni oblik:

Babović, „Pravo na suđenje u razumnom roku i parnični postupak“, 35.

Primjer u navođenju literature:

Babović, Branka. „Pravo na suđenje u razumnom roku i parnični postupak“, *Pravo i privreda, časopis za pravnoprivrednu teoriju i praksu*, XLX, 7-9 (2013): strane.

7. Ako se radi o citiranju teksta naučnog članka iz zbornika radova, piše se sljedeće: ime i prezime autora (zarez) pod navodnicima naslov članka (zarez) veznik u naziv zbornika u italiku (zarez) po mogućnosti navesti i ime i prezime urednika i pisati skraćeno ured. u maloj zagradi mjesto izdanja, izdavač i godina.

Primjer:

Olga Jović, „Bračni ugovor versus zakonskog imovinskog režima“, u *Aktualnosti građanskog i trgovačkog zakonodavstva i pravne prakse*, ured. Vesna Kazazić (Neum: Pravni fakultet Sveučilišta u Mostaru, 2011), 35.

Skraćeni oblik:

Jović, „Bračni ugovor *versus* zakonskog imovinskog režima“, 35

Primjer u navođenju literature:

Jović, Olga. „Bračni ugovor *versus* zakonskog imovinskog režima“, u *Aktualnosti građanskog i trgovačkog zakonodavstva i pravne prakse*, ured. Vesna Kazazić, 25-46. Neum: Pravni fakultet Sveučilišta u Mostaru, 2011.

8. Kada se citira tekst preuzet iz doktorske disertacije ili magistarskog rada, piše se: ime i prezime autora, naslov pod navodnicima, u maloj zagradi doktorska disertacija, ime univerziteta, godina. Skraćeni oblik i navođenje u literaturi piše se kao što je već navedeno.

Primjer:

Nataša Mrvić, „Naknada štete pričinjene krivičnim djelom“, (*doktorska disertacija*, Pravni fakultet Univerziteta u Beogradu, 1991), 35.

Skraćeni oblik:

Mrvić, „Naknada štete pričinjene krivičnim djelom“, 35.

Primjer u navođenju literature:

Mrvić, Nataša. „Naknada štete pričinjene krivičnim djelom“, *doktorska disertacija*, Pravni fakultet Univerziteta u Beogradu, 1991.

9. Internet izvori citiraju se na sljedeći način: URL veza (zapeta) pristupljeno (datum).

Primjer:

http://www.godisnjakpf.rs/wp-content/uploads/2021/01/02-Mojovic_23-44.pdf, pristupljeno 30.6.2021.

10. Propisi se navode punim nazivom u italiku, zatim se navodi glasilo u kojem je propis objavljen, broj i godina objavljivanja. Član, stav i tačka propisa označava se skraćenicama čl., st., i tač., a iza posljednjeg broja se ne stavlja tačka.

Navođenje sudskih odluka treba da sadrži što potpunije podatke (vrsta i broj odluke, datum kad je donesena publikacija u kojoj je eventualno objavljena).